

Na prome minister Mike Eman

AVI ta presenta cuadra di “Papiamento mi lenga materno”

ORANJESTAD- Juan Francisco Pardo, director artistico di Fundacion AVI (Audio Visual Institute of Aruba) a presenta na prome minister Mike Eman un cuadra di e campaña ‘Papiamento mi lenga materno’.

E presentacion a tuma luga recientemente durante un audiencia cu e cinematografo local tabatin cu Eman na su oficina na Oficina di Gobierno.

Den un entrevista, Juan Francisco Pardo a conta cu e fundacion a cuminsa na 2010. Na momento cu el a wak un necesidad pa yuda promove e arte di cine y television, tabata tin hopi otro cos andando. Sinembargo Pardo a mira e necesidad di crea algo den rango dramático. E vision a bira pa yuda crea un cultura audio visual na Aruba pa peliculan na papiamento traha na Aruba mes, pa asina duna e hobennan Arubiano un plataforma pa presenta y desaroya nan talento. Den e paso di añanan AVI, a cuminsa sinti mas necesidad pa locual ta e parti cultural.

Esaki a pasa ora a lansa e pelicula “Abo So”, di cual mision tabata pa promove cultura y recorda tur ciudadano pa ta orguyoso di nan pais. “Abo so” a enfoca riba e promocion di balor, papiamento, tradicion. Segun Pardo, e pelicula “Abo So” a trece cune un orguyo inmenso, ya cu cada ciudadano cu a mira e pelicula



aki, por a mira paisahenan di nan isla riba un pantaya gigantesco y asina a cuminsa cu e proyecto di “Biba Cultura”, cu ta promove herencia cultural.

Biba Cultura

E campaña cu Pardo ta trahando ariba, ta forma parti di e proyecto ‘Biba Cultura’. Esaki ta un proyecto crea pa fortifica y promove nos herencia cultural. Tambe e proyecto ta brinda e hobennan un oportunidad dreठा den contacto cu nan cultura y siña un tiki mas di nan cultura durante creacion di e campananan.

Prome Minister a expresa e satisfaccion di mira con hobennan cu talento manera Pardo, ta participa activamente den e conscientisa-

cion di nos comunidad. E campaña a wordo crea cu participacion di Armando Goedgedrag, Melisa Richardson, Michael Lampe y Jorina Werleman, cu colaboracion di Luis Mejia Photography y Antraco Samsom Bookstore.

Acogida di e campaña

E campaña a haya un bon aceptacion despues di a entrega posternan na gran parti di scol y establecimentonan, y tin cu bisa cu ainda tin demanda pa mas posternan. “Debi na e acogida aki, fundacion AVI a tuma e decision pa desaroya e campaña cu mas cara y ta pidi comunidad pa indica riba e personanan cu nan ta desea di mira riba e siguiente posternan di e campaña di Papiamento”, Pardo, como director artísti-

co, a expresa riba e campaña. E caranan nobo pa e campaña

Sugerencia di persona pa Biba Cultura

Pa sugeri un persona, por bishita e website www.bibacultura.com y yena un formulario.

‘Biba Cultura’. Ta haci un yamada na hobennan pa inscribi riba www.bibacultura.com pa nan tambe por ta parti di e proyecto y yuda crea otro campananan. E siguiente campaña lo ta pa ‘Dera Gay’. Actual fundacion AVI tin un campaña digital en conexion cu e celebracion di ‘Dia di San Juan, Dera Gay’ y por wak esaki pa medio di e website of riba e facebook pagina di ‘Biba Cultura’. □